



Trotzchöpf

CLIQUE LIESCHTEL

1983

Sujet 1995: Zvill + SchT(r)inkwasser

Verzelle chönner e keini schöni Märli,
sait dr Stapi, dä Superkärli,
zobe spoot zu syne sächs Kumpänli
nacheme paar Zwickel oder so ähnli:
Sisch schüüli truurig, aber wohr,
1994 isch z Lieschtel e Kataschtrophejohr.

Die E D V - Problem vo der Verwaltig si zwar happig,
d Linieführig vo dr Bahn 2000 tappig,
s Loch in der Stadtkasse immer grösser,
d Mehrheit vo de Ywohnerröt immer böser,
der liebi Eidgenoss usem Oschte
dänkt au nit an sy wacklige Poschte.

Was de Maa zum Hüusli us bringt,
isch s Wasser wo in Chäller dringt
und zum Himmel stinkt.

Amäne Maiemorge, i glaub dä isch bsoffe,
loht doch dr Petrus der Hahne vill zlang offe.
Gschtiege und gschtiege isch der Wasserschtand,
plötzlich bisch bym Schild am Palmästrand.

De See isch für Lieschtel e Hit,
d Chrämer danke an gross Profit.

Dr Oski vo der Polizei der Kommandant,
will sofort e Schiff, notfalls us zweiter Hand.
Mit dere Barke wei die Gselle,
Schiffli uf der Ergolz zelle.

Au s Pizza-Taxi isch derby
verteilt die Flade mit Wasserschie.
Im Beizli am Ufer schmusisch mitem Schatz,
ufem See gheje d Surfer duurend ufe Latz.

Anschtatt ins Stedtli laufe,
tuesch e Uboot-Ticket chaufe,
und weisch nit wär willsch versänke,
muesch nur an d Behörde danke.

Leider isch das Seeli gli wieder ewäg,
so chunnt Lieschtel nit zu däm Gäg.
Chuum si die letschte Fisch im Chäller gfange,
muesch wieder um dys Läbe bange.
Die nächshti Kataschtrophe stoht vor der Türe,
wo chunnt ächt die wieder füre.

S Wasser stinkt, es isch e Gruus,
gheisch der Kaffi lieber wieder us.
Mineralwasser isch e gsuechti War
und in de Läde bald ziemlich rar.

E Syphon syg tschuld, ghört me munkte,
aber ehrlich gsait, tappe alli im dunkle.
Es isch ehnder ein usem Feuflibertal, e Löli,
de handelt nämlig mit Phenöli
und goht die ganzi Sach in Bach,
lit d Wasserversorgig z Lieschtel flach.

In dene paar schreckliche Tage,
holsch s Wasser bym Zischtärnewage.
D Fүүrwehr duet d Leitige spüehle,
s G F O findets zum Brüele.
D Präss zieht alles dure Dräck,
das isch füre Stapi au kei Schläck.

Merke! Au die Kataschtrophe het e Moral
s Wasser isch im Gegesatz zum Stadtroot wieder normal.

Am Zyschtig isch wie allewyl d Latärne-Usstellig im
Alte Zүүghuus z Lieschtel.